


華容縣志

270.07  
39  
128



光緒壬午年

華容縣志

序

舊序

凡例

目錄

星圖

輿圖

修志姓氏

華容縣志

序

天下之事有不變者。有屢變者。名物典禮之大。不變者也。建置賦役。一切屢變。而仍不變者也。惟地勢之變。爲至變。山鄉之地勢。亘古不變者也。水鄉之地勢。百年千年。未有不變者也。故濱水之邑。厥志用修。爲尤亟焉。明邱文莊公曰。有千載不刊之書。無百年不修之志。謹哉言乎。華容有志。始於前明。萬厯年間。迄本朝嘉慶而止。

華容志

卷首

序

毅皇帝登極。巨憝削平。天下大修郡邑志。甚盛事也。予以

光緒壬午冬。下車茲邑。邑志適告成。邑人以序請。予自愧味道情學。且初至。未有以應也。越旬餘。復相趣。予披閱一過。樂是志之成。爲諸君子桑梓功。而與吏治相關。尤爲宰是邦者。所急欲觀之書也。不能無言。竊謂華容凡三變。其初本雲夢地。三苗據以爲窟。漢爲孱陵。與五溪蠻近。凡官於是邦。與是邦之人物。漢以前皆無考。此一華容也。自晉杜預開楊口。起夏水。洎明塞江北口。於是沱江中貫。重有水患。隄工告急。



蓋苦於是役者數百年而未已。此又一華容也。洎咸豐三年，藕池口決，川水入境。於是邑西北鄉又有水患。然江水一石，其泥數斗。地勢日淤，日高。民藉以築垸圍田，稍沾其利。藕池既潰，調絃一口，水勢遂小。捨險保固，視前差逸。此今之華容也。故予首揭志中輿圖，竊欲增一圖於舊圖之後，增新圖以見咸同以後之華容，使人知其變。存舊圖以見嘉道以前之華容，使人知其迹。轍改弦易治，亦因之。故此志之修，華容一變局也。然自調絃，水勢既小，則水力亦弱。力弱

則不能刷泥沙入湖。泥沙日積，河身日高。十餘年來，聞已淺至一丈有餘。附郭田畝，水不能出。方今冬涸，積水難消。縣河紫港一口，亦復日淤日高。前後壅遏，俯視城郭廬舍，如在釜底。若復數年，其患愈深。此守土者與斯民所同憂也。故華容水利，昔急於議防，今當變而急於議疏。疏易而防難。若之何其坐以視之也。抑予更有說焉。凡地氣盛，則日高地氣衰，則日坍。今華容之地變而高矣。其必自此昌乎。山川靈秀之氣，磅礴鬱積久而必洩。將必有劉忠宣、黎文僖其人。

者出而應之。政蹟文章彪炳史冊。豈僅區區爲閭里之光。生色邑乘云乎哉。邑人士其尙砥礪前修。用應昌期。慎毋以洲渚所淤。苦爭官荒。釀成巨禍。慎毋以汗血所入。苛派隄費。吮彼餘膏。自茲以往。服疇食德。丕變夙習。星煥雲騫。焜耀巴邱之區。予實有厚望焉。志業已銀板。功用告竣。邑人士毫無間言。亦可見諸君子之處心平。而秉筆公。足以信今傳後無疑矣。舉百年必修之典。卽爲千載不刊之書。厥功偉矣。予不敏。承乏是邑。雖未與斯役。弗盡悉諸君子釐訂之苦。

華容志

卷首

序

三

心附名簡末。何幸如之。爰披華邑之局之一變者。謹序於其端。使後之君子有所考焉。

光緒八年壬午季冬

賜進士出身知華容縣事永新龍起濤撰

序

周禮職方氏掌天下之圖小史掌邦國之志志也者所以紀累朝之沿革方域之廣狹人文之蔚起物產之豐饒與夫潛德幽光禎祥符瑞者也自孟堅改八書爲十志迄今二千年來無時無地不有紀載前代之卓然可傳者無論矣近時若阮文達謝蘊山章實齋所纂浙江兩廣湖北各省志戴東原鄭友芝所纂嘉興各府志洪稚存李申耆董晉卿所纂長安鳳臺涇縣各縣志洵足備一代之掌故而流傳不朽矣此外或傷於畧或失於繁或近於率黠染播

華容志

卷首

序

襲徒供蠹剝殊可笑也華容自漢興建邑以來時代屢易其軼事之載在典籍者不少概見第地濱大湖又屢遭賊擾縱有家乘稗史而代遠年湮非化爲劫灰卽汨於巨浪當此而欲撫拾舊聞搜求故事立身數千百載以後俾數千百載以前之忠臣烈士孝子貞婦以及平準河渠禮儀諸大端舉不至湮沒而失實也蓋非枵腹枯腸所能勝任者矣辛巳秋余捧檄來宰斯邑適邑中諸君續修縣志越明年壬午而書成錄稿請定所爲之序余聞劉知幾曰不兼三長不足言史以余幼而嬉荒其於天人之究古今得

失治亂之源茫然無所得於中及長而謬領鄉薦隸籍仕  
版案牘催科須臾無暇晷所謂才識學者實撫躬而自慙  
焉尙何敢與聞志乘而妄忝未議然以守土之故義不容  
諉乃披稿而卒讀之覺其分門別類綱舉目張其立體也  
遺祖孟堅之遺義而不襲其舊其選辭也法顧亭林日知  
錄之詞貴於達無論煩簡而文意必求其清晰洵所謂其  
體嚴其詞醇其事賅可以信今而昭來許也夫謹序

光緒八年歲次壬午季秋

誥授奉直大夫戊午舉人署華容縣事成都汪文煥謹撰

華容志

卷首

序

二

舊序

孫斯傳 習儒

華容當洞庭湖之濱號稱澤國歷代以及我朝設立縣治屢遷而始定地瘠民貧賦役繁重百里之內素名有家者亦不過僅僅中人十室之產顧山水環抱地氣所鍾二百餘年以來人文獨萃視一郡有加然獨無縣志焉當嘉靖間先甫漁人曾脩郡乘未之暇及迨後先兄雲夢山人雖脫草而未就然皆影響脫疎其於地方之沿革興廢土風民俗緩急利害公私事跡百不得一焉夫子不云乎文獻不足故也夫以予邑洵美人文而邑志罔述將誰委乎

華容志

卷首

舊序

我邑侯八閩李公膺平蒞茲四載政通民和文啟績茂屬以歉歲逋催旁午俸入所給咸以代公家之負室有懸魚案無停牘猶然不廢文翰留心經史一旦慨然謂志事獨闕守土之謂何於是博詢邑縉紳父老以迨青衿屬從子吉士鵬初成之鵬初雅承家學居里之暇杜門書史既汲汲修先人之闕事奉君父之重託廼殫心日夜凡數越月而成書以復諸公公雖帑無餘錢遂亟命付諸剞劂供課勤篤曾無幾時燦然一實錄矣而邑縉紳士咸承命序諸首簡斯傳與焉傳惟志者識也國有史郡邑有志家有乘

其義一也顧有四難焉曰公曰信曰簡曰時靡公則是非  
淆而易生得失靡信則聞見眇而不無疑慮靡簡則蕪穢  
至而弗竟覽觀三者備矣倘乏興文者主持於上業文者  
承習於下即累牘何利焉猶之夫二百餘年以來文獻不  
足者耳茲志也操之以崇儒之君侯則參駁校證無所事  
欺矣善始信終無所庸輟矣繕書繡梓無或罔後矣而鵬  
初借君侯之美意盛舉以成先志而備一邑之所未備詎  
非時爲之哉抑傳嘗留心典故楚書稱善者無若先輩童  
氏之沔州志即近日鄒孚如雲夢十書自撰體裁它如武

華容志

卷首

舊序

二

功耀州後先膾炙如出一脔顧磨擬勦竊往往有之遂爲  
編纂之濫觴矣今觀新志不襲言詮而亦不自外軌獲大  
都君侯之精忱藻鑒若或導之是尤邑人之幸而鵬初暨  
先諸君子與斯傳之一遇也言出一家無藉雕績據事陳  
辭用傳諸永敢僭爲之序

舊序

孫羽侯鵬初

史羽氏曰邑故有志矣燕而短先野史嘗修之凡再受事未竟則取而成郡志損十之五又取而成湖廣志損十之七羽嘗濫史官備諫省思欲成先志放逐十有六年邑令長率不常厥居考文之事闕歲辛亥閩李侯膺平蒞邑且四載績用成厯旱潦督漕負懷來其竄徙而鳴琴多暇好文式切乃以邑乘屬裁羽雖不敏敢不執筆以備采風於是首輿封以記道里山川而民俗物產繫焉次建置以記城池省署諸興替之故又次水防則邑之命脈次田賦則民之登耗非官師何以立政教非人物何以彰地靈非選舉何以考仕版凡爲卷七而邑之事備矣其有未備者則齊諸稗史謠俗細微與夫事體繁雜非志所得列者又爲志餘以綴其後

華容志

卷首

舊序

三

舊序

張存意

華容志成蓋邑侯李公議成之而孫鵬初給舍爲之成之也邑故不乏文獻良有司時有之備史才者時有之何以待諸今豈一時明宰不無逆旅視之卽撫字爲勞幾不垂寡前訓則以當功令爲快已爾圖永賴者無有也今夫天下之輿封建置水防田賦官師人物選舉爲天下者不可不知郡邑之輿封建置水防田賦官師人物選舉爲郡邑者不可不知此公之所以圖爲志也且必成其爲華容志者也蓋公於邑勤亦已甚如歷輿封田賦則民情馴黠久而習之水防爲民司命一旬月不問則明年無田兼養人士則張其能而護愛其短租賦徵輸則多以其負者予民其不可已乃始爲縣官儲金錢然則是志也可無成乎志之成所以成公之政也雖然有良法而亂者有之無君子而治者未之會聞則公之所以爲華容甯曰法足法也詩曰愷弟君子民之父母成愷悌也公秋水爲神冰壺玉映心行其愛而政舉其先四年之中民無謗讟獄不放紛彼其真實心誠信於士大夫而眾庶戴之也夫召公之遺愛羊公之令名其孰不珍之則公之爲華容無窮之心矣

華容志

卷首

舊序

四

而習之水防爲民司命一旬月不問則明年無田兼養人士則張其能而護愛其短租賦徵輸則多以其負者予民其不可已乃始爲縣官儲金錢然則是志也可無成乎志之成所以成公之政也雖然有良法而亂者有之無君子而治者未之會聞則公之所以爲華容甯曰法足法也詩曰愷弟君子民之父母成愷悌也公秋水爲神冰壺玉映心行其愛而政舉其先四年之中民無謗讟獄不放紛彼其真實心誠信於士大夫而眾庶戴之也夫召公之遺愛羊公之令名其孰不珍之則公之爲華容無窮之心矣

舊序

萬曆四十年知縣

李雲階膺平

夫志者志也古者天子省方令太師陳詩司市納價總而紀之爲史迨其後也代各有史皆朝家之事而五方殊俗靡所摺撫於是郡邑吏各自爲紀而名之曰志蓋識大識小以備考訂而善敗勸戒於焉取之華容雲夢奧區章華故址瑰瑋珍怪乘不勝載故自有志亦故自有良志者不佞受事茲邑甫入疆見山川之莽蕩原隰之平衍心目遂爾頓開既而閱故牒詢耆舊見名公巨卿後先輩出而流風遺俗猶有存者美哉茲土乎疇曰水鄉實稱巖邑至索

華容志

卷首

舊序

五

邑乘一寓目焉廼蕩廢漶漫不可考唯先是雲夢山人爲今孫太史鵬初父有屬稿顧亦垂三十餘年所矣世代遞遷沿革時異不無待後人之潤色而更置之者時余方倥偬簿書抗塵走俗不遑請之太史然而寢食未嘗忘此業也比承乏四載惠徼奏績庶幾無辜乃於聽政之暇屬太史以成先志太史欣然秉筆兩閱月而告成余受而卒業之則見其約而該詳而不穢若挈裘領而頓之而井然有條列百貨於五父之衢而恣其所取蓋爲卷省而一邑之奇蹤勝蹟裒辟純麗時事代謝爛然在目可考鏡也讀志

輿封則畫堦分井封域廣輪爲六合之內所必論議讀志  
建置則池城津梁公署賢序代有興革孰委之情竅而不  
新讀志田賦則上田則壤生齒貢稅誰置之登耗而不一  
高目讀志水防則隄堦塘堰時築時潰穆然有其魚之思  
讀志人物則羔雁成羣項背相望而脈脈嚮往讀志選舉  
則登明選公搜奇拔異材不勝收而式閭秣馬不容或後  
讀志官師覩甘棠之蔭西河之範令人景仰而思步後塵  
讀志餘則兔角龜毛人祥物妖爲稗官野乘之所未載者  
種種以拓人之見聞是其爲志也無夸毘無網漏是當世

華容志

卷首

舊序

六

得失之林而省俗考政者之所必資也乃付之剗劂而贅  
數語於其端以道已之志云爾若鋪張盛美則有左思元  
晏之相爲重在不佞何敢僭焉

華容故無志有之自邑侯李君膺平始侯政成化洽嘉惠斯文屬孫給諫續其先人之緒闌二月而出執以示余余惟郡邑之志猶國之史備典故列臧否紀往而訓來志安可無也第貴覈不貴虛貴簡不貴繁簡故覈覈故信信故可傳 明興學士大夫獨稱武功耀州二志近雲夢十書亦多尙之要以質而不俚辨而不譁五十餘萬言盡二千四百年事史氏之遺非乎爰取給諫所著作三復之其義正其辭質無溢美無摭采方之景叔氏或弗多遜蓋給諫

華容志

卷首

舊序

七

以沅湘行吟之餘發而爲史故其思苦侯以西京騷雅之業出而飾治故其校精曠典聿備洵美可愛匪偶然者矣余因上下數十年之間輿封自若耳城堞不完桂苻肆逞其建置之謂何無米之炊臺使者胡弗以報也賦溢於田而逋負日積水決於防而舟航可市焦思蒿目官師孔躄循良君子不有斗山在上乎若迺遞稽人物則忠宣公立朝居鄉之範聞風景行宜有代興者述往事訓來茲於以序職經世侯用意深遠矣余不文聊述其意於篇首云

李侯自丁未來治華邑至辛亥百廢振舉民和士頌無復  
事事凡土疆之近遠租賦之多少徭役之增損風俗之沿  
革徵輸之緩急人物之新故水旱之備預逋負之因緣計  
其所知邑之人不深於其知也毋亦其精心勤理久而習  
乎念弗久當釋此以勤後賢則土疆租賦徭役風俗徵輸  
人物水旱逋負諸常宜與知之以其圖此民也於是屬鵬  
初孫給諫志之志成凡土疆之近遠租賦之多少徭役之  
增損風俗之沿革徵輸之緩急人物之新故水旱之備預

華容志

卷首

舊序

八

逋負之因緣瞭然指諸掌後來之英用侯之意按而圖之  
邑幾幸焉於是屬不佞竹救其簡末拜命之辱敢不敏是  
辭懿哉嗇夫惠於相卿功德深厚矣余先華容府君之爲  
華容令也自永樂迄宣德之季蓋二十餘年度幾附於良  
吏長子孫已遂爲華容人今十餘世稱族於里庶不媿先  
人豈所謂裨益茲土者蓋亦有焉而今且食未可旣也若  
侯之鴻材妙擬四知三難悃悞無害遠邁西京而又爲之  
綜微密示久遠不啻其家事之治也可不謂甚盛心乎是  
役也先府君實藉以不朽惟其以私旨

頌明德則九頌以  
謝其旬日之有

舊序

乾隆二十五年知縣

狄蘭標

勾湖

周禮小史掌邦國之志卽後世郡縣志所由昉故統志而外而省而郡而縣莫不有志華容濱洞庭爲岳陽屬邑余濫司宰職惟懷永圖念民事日新而邑乘弗備無以供上臺採覽之資華之陋卽守土之慚爰咨於二三紳士知舊志斷於明萬厯時邑人孫羽侯所編版已霉滅邑人王展六起而續之稿脫於雍正八年未經校訂剗刷遂爾中止余卽王氏所藏抄本參以孫氏勝國殘編刪繁就簡存實去華弗漏前人之紀載益廣今日之蒐羅凡星野疆域建

華容志

卷首

舊序

九

置田賦悉遵舊制分晰詳明官師選舉爲增而於堤垸之修築陂塘之蓄洩條其源委廢興利害所關瞭如指掌至於忠臣孝子之勲業文章賢媛節婦之懿行內則是皆三綱之正理四民之大經存焉矧華邑名臣鼎元實產其鄉英才後起女史流芳蘊發湖山之秀則又詳加採錄者其梗概以見善善之長而風俗藝文志餘裁舊補新靡不臚列焉故事有爲守土所不自急者非功令所繫不妨姑待後人使後人而復待後人竟成相待無已之局事有爲守土所不自緩者非功令所繫何妨姑完一事由一事而更

完一事庶盡欲完無已之心歷溯華邑百餘年河山風景  
月異歲不同其間樂利蒙休者凡幾人文迭興者凡幾宰  
官過去者凡幾而華志之成乃在今日華之幸亦余之幸  
也是役也時閱兩季桃源羅君旂山邑人敖君卜初張君  
午橋共與厥成焉

華容志

卷首

舊序